

ՊԱՅՄԱՆԱԳԻՐ
Ծառայությունների վճարովի մատուցման

ք. Երևան

« օր/ամիս/տարի » թ.

«Ա. Ի Ալիսանյանի անվան ազգային գիտական լաբորատորիա (Երևանի ֆիզիկայի ինստիտուտ)»
Հիմնադրամը, որը սույն պայմանագրի հետագա շարադրանքում անվանվում է «Պատվիրատու», ի դեմս
տնօրեն Գևորգ Քառյանի, որը գործում է Պատվիրատուի կանոնադրության հիման վրա, մի կողմից,

և

«անուն ազգանուն » (ՀԾՀ՝ « ՀԾՀ համարը »), որը սույն պայմանագրի հետագա
շարադրանքում՝ անվանվում է «Կատարող», մյուս կողմից,

հետագա շարադրանքում միասին անվանվելով «Կողմեր», իսկ յուրաքանչյուրը առանձին՝ «Կողմ», կնքեցին
սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրի պայմաններին համապատասխան, Կատարողը պարտավորվում է Պատվիրատուի
առաջադրանքով մատուցել սույն պայմանագրի 1.2 կետում նշված ծառայությունները (այսուհետ՝
«Ծառայություններ»), իսկ Պատվիրատուն պարտավորվում է Ծառայությունների համար Կատարողին վճարել
սույն պայմանագրի 7.1 կետում նշված վարձատրությունը:

1.2. Կատարողը պարտավորվում է Պատվիրատուի առաջադրանքով իրականացնել՝
«նշեք աշխատանքները» աշխատանքները:

2. ԾԱՌԱՅՈՒԹՅՈՒՆՆԵՐԻ ՄԱՏՈՒՑՈՒՄԸ

2.1. Ծառայությունները Կատարողի կողմից մատուցվում են անձամբ՝ պահպանելով անտանգության նորմերի և
կանոնների պահանջները: Կատարողը այլ անձանց սույն պայմանագրով իր պարտավորությունների
կատարմանը մասնակից է դարձնում միայն Պատվիրատուի համաձայնությամբ:

2.2. Կատարողը պարտավորվում է Ծառայություններ մատուցելիս հետևել Պատվիրատուի կամ նրա կողմից
լիազորված այլ անձի ցուցումներին և պահանջներին:

2.3. Ծառայությունները մատուցվում են Պատվիրատուի կողմից սահմանված ժամկետներում և պատվիրատուի
նյութերով:

2.4. Ծառայությունների մատուցման հետ կապված հարցերը Կատարողի կողմից կլուծվեն ինքնուրույն, սակայն
սույն պայմանագրի 2.2 կետի հաշվառմամբ:

3. ԾԱՌԱՅՈՒԹՅՈՒՆՆԵՐԻ ՈՐԱԿԸ

3.1. Պատվիրատուն իրավունք ունի հսկողություն իրականացնել մատուցվող Ծառայությունների ընթացքի և
որակի, դրանց կատարման ժամկետների պահպանման՝ առանց միջամտելու Կատարողի օպերատիվ
տնտեսական գործունեությանը:

3.2. Ծառայությունները սույն պայմանագրի խախտմամբ մատուցելու դեպքում Պատվիրատուն իրավունք ունի,
իր ընտրությամբ, Կատարողից պահանջել՝

3.2.1 ողջամիտ ժամկետում անհատույց վերացնելու թերությունները.

3.2.2 համաչափորեն նվազեցնելու Վարձատրությունը.

3.2.3 հատուցելու թերությունների վերացման համար իր կատարած ծախսերը:

4. ԵՐԱՇԽԻՔՆԵՐ

4.1. Կատարողը երաշխավորում է Ծառայությունների մատուցման համար իր պատշաճ մասնագիտական որակավորումը և քաղաքացիաիրավական իրավունակությունը, ինչպես նաև անվտանգության նորմերի և կանոնների պահանջների իմաժությունը:

5. ԺԱՄԿԵՏՆԵՐԸ

5.1. Կատարողը Ծառայությունների մատուցումը սկսում է « օր/ամիս/տարի » թ-ին և ավարտում է մինչև « օր/ամիս/տարի » թ-ը:

6. ՀԱՆՁՆՈՒՄ-ԸՆԴՈՒՆՈՒՄԸ

6.1. Ծառայությունների հանձնում-ընդունումը իրականացվում է սույն պայմանագրի 6.2 կետում նշված փաստաթղթերը վավերացնելու միջոցով:

6.2. Ծառայությունների հանձնում-ընդունումը համարվում է կատարված Պատվիրատուի Տնօրենի (կամ նրա լիազորված անձի) կողմից Կատարողից ստացած համապատասխան կատարողական ակտը վավերացնելու պահից:

7. ՎԱՐՁԱՏՐՈՒԹՅՈՒՆԸ ԵՎ ՀԱՇՎԱՐԿՆԵՐԸ

7.1. Պատվիրատուն պարտավոր է Ծառայությունների համար յուրաքանչյուր ամիս կամ միանվագ վճարել՝ « Գումարը թվերով » («Գումարը բառերով») ՀՀ դրամ (այսուհետ՝ «Վարձատրություն»):

7.2. Վարձատրությունը վճարվում է Կատարողի ներկայացված կատարողական ակտը Պատվիրատուի կողմից ստորագրելուց հետո հինգ աշխատանքային օրվա ընթացքում՝ անկանխիկ հաշվարկով՝ սույն պայմանագրի ստորագրության տողից առաջ նշված՝ Կատարողի բանկային հաշվին դրամական փոխանցում կատարելու միջոցով:

7.3. Սույն պայմանագրի 7.1 կետում նշված գումարն իր մեջ ներառում այդ կապակցությամբ վճարման ենթակա բոլոր հարկերի և պարտադիր այլ վճարների գումարները, և համապատասխան հարկային ու այլ պարտավորությունները կատարվում են Հայաստանի Հանրապետության գործող օրենսդրության համաձայն:

8. ԳԱՂՏՆԻՈՒԹՅՈՒՆԸ

8.1. Կողմերը ստանձնում են պայմանագրի հետ կապված մի Կողմից մյուս Կողմին ուղղակի կամ միջնորդավորված կերպով տրամադրված ցանկացած տեղեկատվության և փաստաթղթերի չիրապարակման պարտավորություններ՝ անկախ նրանից, թե երբ է այդպիսի տեղեկատվությունը տրամադրվել՝ մինչև սույն պայմանագրի գործողության ժամկետի լրանալը, թե՛ լրանալուց հետո:

8.2. Տեղեկատվության չիրապարակման պարտավորությունը չի տարածվում հանրամատչելի տեղեկատվության, ինչպես նաև այն տեղեկատվության վրա, որը հայտնի կդառնա ոչ պայմանագրի Կողմի մեղքով:

9. ԳՈՐԾՈՂՈՒԹՅՈՒՆԸ

9.1. Սույն պայմանագիրն ուժի մեջ է մտնում և դրա պայմանները Կողմերի համար պարտադիր են դառնում սույն պայմանագրի կնքման (Կողմերի ստորագրման) պահից և գործում է մինչև Կողմերի կողմից սույն պայմանագրով որոշված պարտականությունների լրիվ կատարումը:

9.2. Սույն պայմանագիրն ուժի մեջ մտնելու պահից ուժը կորցրած են համարվում դրա առարկայի վերաբերյալ Կողմերի միջև նախկինում եղած բանավոր կամ գրավոր համաձայնություններն ու պայմանավորվածությունները:

9.3. Սույն պայմանագրի առանձին դրույթի կամ մասի անվավերությունը չի հանգեցնում դրա մյուս դրույթների կամ մասերի անվավերությանը:

10. ՓՈՓՈԽՈՒԹՅՈՒՆՆԵՐ

10.1. Սույն պայմանագրի ցանկացած փոփոխություն կամ լրացում վավերական է, եթե կնքված է գրավոր ձևով:

11. ԴԱԴԱՐԵՑՈՒՄ

11.1. Սույն պայմանագիրը կարող է վաղաժամկետ լուծվել Կողմերի գրավոր համաձայնությամբ:

11.2. Կատարողը իրավունք ունի հրաժարվել սույն պայմանագիրը կատարելուց՝ Պատվիրատուի վնասները լրիվ հատուցելու պայմանով:

12. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

12.1. Կողմերը կրում են գույքային և այլ պատասխանատվություն սույն պայմանագրից բխող իրենց պարտավորությունները չկատարելու կամ ոչ պատշաճ կատարելու համար՝ Հայաստանի Հանրապետության գործող օրենսդրությանը և այլ նորմատիվ ակտերին համապատասխան:

12.2. Ծառայությունների մատուցման ժամկետները խախտելու դեպքում՝ ուշացված յուրաքանչյուր օրվա համար Պատվիրատուն կարող է (իրավունք ունի) Կատարողին ներկայացնել պահանջ վճարել տույժ՝ Վարձատրության 0,05% չափով, բայց ոչ ավելի քան սույն Պայմանագրի արժեքի 5%:

12.3. Վճարումների ժամկետները խախտելու դեպքում՝ ուշացված յուրաքանչյուր օրվա համար Կատարողը կարող է (իրավունք ունի) Պատվիրատուին ներկայացնել պահանջ վճարել տույժ՝ Վարձատրության՝ 0,05% չափով, բայց ոչ ավելի քան սույն Պայմանագրի արժեքի 5%:

12.4. Սույն պայմանագրի կատարման անհնարինության դեպքում, որը ծագել է Պատվիրատուի մեղքով կամ այնպիսի հանգամանքներից, որոնց համար Կողմերից որևէ մեկը պատասխանատվություն չի կրում, Պատվիրատուն Կատարողին հատուցում է նրա կատարած փաստացի ծախսերը:

12.5. Կողմերը ազատվում են պատասխանատվությունից սույն պայմանագրով իրենց պարտավորություններն ամբողջությամբ կամ մասնակի չկատարելու համար, եթե դրանց չկատարումը հանդիսանում է անհաղթահարելի ուժի հանգամանքների հետևանք:

13. ԿԻՐԱՌՎՈՂ ԻՐԱՎՈՒՆՔԸ ԵՎ ՎԵՃԵՐԻ ԼՈՒԾՄԱՆ ԿԱՐԳԸ

13.1. Սույն պայմանագրի նկատմամբ, ներառյալ՝ Կողմերի իրավունքների և պարտականությունների բովանդակության, մեկնաբանման, կատարման, չկատարելու կամ անպատշաճ կատարելու հետևանքների, դադարման, առոչինչ լինելու և դրա հետևանքների, պայմանագրից ծագող պահանջի զիջման և պարտքի փոխանցման առնչությամբ կիրառվում են Հայաստանի Հանրապետության օրենքները և այլ իրավական ակտերը:

13.2. Սույն պայմանագրից կամ դրա կապակցությամբ ծագող բոլոր վեճերը, տարաձայնությունները և պահանջները, ներառյալ՝ դրա կատարմանը, խախտմանը, դադարեցմանը կամ անվավերությանը վերաբերող, ենթակա են կարգավորման՝ Կողմերի միջև բանակցությունների և խորհրդակցությունների ճանապարհով, իսկ, համաձայնության չհասնելու դեպքում՝ Հայաստանի Հանրապետության օրենսդրությանը համապատասխան՝ Հայաստանի Հանրապետության իրավասու դատական ատյաններում:

14. ՄԵԿՆԱԲԱՆՈՒԹՅՈՒՆԸ

14.1. Սույն պայմանագրի դրույթները մեկնաբանելիս՝ Կողմերը, ինչպես նաև դատարանը պետք է ելնեն դրանում պարունակվող բառերի և արտահայտությունների տառացի նշանակությունից: Այդպիսին պարզ չլինելու դեպքում պայմանագրի որոշակի դրույթի մեկնաբանությունը որոշվում է՝ այն սույն պայմանագրի մյուս պայմանների և պայմանագրի ամբողջական իմաստի հետ համադրելու միջոցով:

15. ԵԶՐԱՓԱԿԻՉ ԴՐՈՒՅԹՆԵՐ

15.1. Սույն պայմանագիրը կազմված է հավասարազոր իրավաբանական ուժ ունեցող երկու օրինակից: Յուրաքանչյուր Կողմին տրվում է մեկական օրինակ:

Պատվիրատու

«Ա. Ի. Ալիխանյանի անվան ազգային

գիտական լաբորատորիա

(Երևանի ֆիզիկայի ինստիտուտ)» Հիմնադրամ

ՀՎՀՀ 01202364

ՀՀ, Երևան, Ալիխանյան եղբայրների փող., 2 շ.

Տնօրեն՝

Գ. Քառյան

Կ.Տ.

Կատարող

« անուն ազգանուն »

Նույնականացման քարտ կամ անձնագիր

« համար »

, տրված « օր/ամիս/տարի » թ-ին

« Ում կողմից » կողմից,

ՀԾՀ՝ « ՀԾՀ համար »

Բանկային հ/հ համար՝ « **** »

Հասցե ք. « **** » , « **** »

փ.,

« **** » 2., բն. « **** »

« անուն ազգանուն »

Կ.Տ.